



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

VI. Quomodo expugnatos ad Christianismum cogere, & Ottonem
Episcopum Euangelistam & Prædicatorem eis acquisiuerit.

urn:nbn:de:hbz:466:1-41527

indixit, hoc addito, vt abdicatis idolis, Christianæ se religioni per omnia conformarent.

Sed cum reliquos de gente perfida, quos in terra propria tributarios dimiserat, Dux, fidei Christianæ apponere curaret, omnes Episcopos terræ suæ conueniens, nullum persuadere potuit, vt illò ire, atq; in tenebris & vmbra mortis sedentibus lumen vitæ velleret ostendere, singulis suas excusationes prætendentibus, sicq; per triennium dilata est prædicatio, Duce ipso satis ægrè ferente dilationem.

Stadium Boleslaus introducendi in Pomeraniam Christianismum.

Quomodo expugnatos ad Christianismum cõegerit, & Ottonem Episcopum Evangelistam & Prædicatorem eis acquisserit.

CAPVT SEXTVM.

Bandem instinctu * admonitionis diuino ad hoc opus Ottonem Babebergensem Episcopum, cuius tunc fama latè in regnis effloruit, eò quòd & hunc in adolescètia eius Patri suo, Capellani more, obsequentem, notum & charum habuerit, inuitare decreuit, opportunum fore autumans cum tali viro & antiquas renouare amicitias, & tam sancti operis gratiam illius iniungere sanctirati.

*Sessidm. * admonitio. Boleslaus S. Ottonem in Pomeraniam inuissat.*

Mittens ergò legatos & munera scripsit ei literas secundum verba hæc: Domino suo & Patri amantissimo Ottoni Venerabili Episcopo, Boleslaus Dux Polonorum filialis obsequij humilem deuotionem. Quia in diebus iuuentutis tue ad Patrem meum decentissima te honestate conuersatum memini, & nunc quoq; Dominus tecum est firmans te, & benedicens tibi in omnibus viis tuis, si tuæ non displicet dignitati veteres tecum renouare animo sedit amicitias, tuoq; consilio simul & auxilio vri ad Dei gloriam promouendam, ipsius gratia coadiuuante. Nosti enim, vt arbitror, quomodo Pomeranorum cruda barbaries, non mea quidem, sed Dei

Litera Ducis Polonia ad S. Ottonem.

virtute humiliata, sociari Ecclesie per baptismi lauacrum, seq̄ admitti petiuit. Sed ecce per triennium laboro, quod nullum Episcoporum vel Sacerdotum idoneorum mihi uide coassinium ad hoc opus inducere queo. Unde, quia tua sanctitas ad omne opus bonum prompta & indefessa predicatur, rogamus Pater amantissime, non te pigeat, nostro comitante seruitio, pro Dei gloria, tuæq̄ beatitudinis incremento, ad laboris assumere. Sed & ego tuæ paternitatis deuotus famulus impensas omnes, & socios itineris & lingua interpretes, & coadiutores presbyteros, & quæcunque necessaria fuerint, præbebo: tu tantum venire dignare.

Quàm pronum se Otto beatissimus ad hoc opus exhibuerit.

CAPVT SEPTIMVM.

S. Otto pronitiam oblatam cupidissime arripit.



Is auditis Episcopus quasi de celo vocē loquentis Dei accepisset, toto pectore abundantia latitiæ repletus, gratias egit omnipotenti Deo, quod ad tale negotium suo uti dignaretur ministerio. Habito igitur chori & Cleri sui consilio, missis ad Apostolicam sedem legatis, cum licentia & benedictione, atque obedientia venerandæ memoriæ Domini * Honorij Papæ huic gratissimæ sarcinæ humerum deuotè applicauit.

Sed quia terram Pomeranorum, fama ferente, opulentam audiuerat, & egenos atque mendicos penitus non habere, sed vehementer aspernari, & iam dudum quosdam seruos Dei Prædicatores, egenos ac sensu tenues propter inopiam contempnissis, quasi non pro salute hominum, sed pro sua necessitate leuanda, officio insisterent prædicandi, studiosè procurauit, ut non solum illis non indigens, verum etiam opulentus appareret: non opes eorum sibi, sed ipsos potius uelle Deo lucrari.

Assumptis igitur Clericis idoneis, & eisdem ad iter abundè procuratis, Missales, aliosque libros & calices cum indumentis sacerdotalibus, & alia quæque altaris utensilia, quæ in gente

* *Ca. 11. Vide Baron. Tom. 12. Anno 1124.*

Daniel Cramerus, Lutheranus præco, lib. 1. Chron. Pomer. cap. 19. narrat Bernardum Eremitem, à Pomerania non auditum imò & repulsam fuisse, quod omnium

verum egens aduenisset. S. Otto parat se ad iter Pomeranicum, & quo modo.